




南巡盛典

恩綸

卷二之卷四

丁巳
1189
2





[Faint, illegible text, likely bleed-through from the reverse side of the page. The text is arranged in vertical columns.]

[A small, faint rectangular mark or stamp on the right page.]



南巡盛典卷二

恩綸

乾隆二十年三月二十日奉

上諭尹繼善奏南巡一切事宜現在立定章程預
為籌備等語已於摺內批諭矣西北兩路現有
軍務如成功迅速則於奏凱策勳後舉行省方
問俗之典實屬應行之事總之南巡之遲早以
軍務告竣之期為定應俟朕頒發諭旨摺內既
稱現在預為籌備亦所謂成事不說然儘可從

容辦理不必過於急遽况此次南巡與從前初次籌備諸事草創者不同如各處行宮及名勝之地前此既經修建雖已閱數年亦止須稍加葺治可資頓宿而備觀覽足矣其所需經費可將兩淮運庫應解內府閑欸銀內撥給十數萬兩交與該督等一切均於此內動用斷不可令商人捐貲亦斷不可扣地方各官養廉卽如直隸州縣朕歲時經歷其辦差悉從簡便近年以來復經核定章程於官民絲毫無累除修路及尖營地面外片席隻木不許用地方官始無以藉口尹繼善等諒所深知自能仰體至前次沿途羅列臺閣故事一切務爲美觀不但徒滋糜費不必踵行且朕車駕所經周覽閭閻省視農作凡事關吏治民風延攬不暇又何用此粉飾增華徒溷人意爲也所過省會州郡士民懽忻瞻仰有設綵棚香案以申愛戴之誠自可不禁但聽其出於本意不必官爲指派惟朕恭奉

皇太后渡江時前此辦有小船數十隻旣可衛護大

南巡盛典 卷二
舟而中流植旆鳴鉦指顧間初不覺江濤之浩
淼足以仰承

聖母慈懷此事仍應照前辦理其餘一應事宜俱令
尹繼善酌量樽節妥協籌備靜聽軍務就緒降
旨遵行此時慎勿先事張皇徒令遠近傳聞致
滋揣度也將此詳悉傳諭尹繼善并寄莊有恭
吉慶等知之欽此

乾隆二十年五月十四日奉

上諭前尹繼善奏請明歲南巡預備一切事宜已
降旨俟西北兩路軍務告竣後頒發諭旨遵行
此時有預備處只當從容籌畫無事張皇今兩
路征兵所至準噶爾諸部望風投款接踵歸誠
看來即日已可就緒省方問俗自屬應行之事
江浙地境毗連所有應行預備事屬相等但俟
降旨後始行籌備未免急遽著傳諭喀爾吉善
或當先期飭備前經臨幸各處止須畧加葺治

以資頓宿備覽觀足矣上次過於繁費此番俱可不必紹興毋庸前往卽西湖中所需

皇太后及朕御舟各備一二隻其餘隨侍各載小艇毋須多備船座以滋糜費其馬匹一項江省已令將現需馬匹開數具奏交軍機大臣代爲籌辦浙省需備馬幾何不敷幾何亦將如何委員採買如何定價之處詳悉奏聞一併交令籌辦至一應費用若扣各屬官養廉及令衆商捐資皆斷不可行浙省商力尤非兩淮可比兩淮尚不准捐輸何況兩浙該督可行文普福於應解內務府閑款內撥銀十萬兩預備浙省辦差之用諸事較前務加簡樸稱朕觀風省俗之意其或過於糜費務事華飾不惟不能邀朕嘉悅將轉致取咎矣該督酌量應於何時前赴浙省親爲料理先期奏聞將此詳悉傳諭知之欽此

乾隆二十年六月初三日奉

上諭明年南巡一應預備事宜已降旨該督撫等
令其樽節妥辦矣所有各處行宮內從前皆陳
設玩器此等物件或係假借應用或用重價購
買承辦之員往往張皇其事藉以邀結上司而
對人則苦稱賠累卽鄉紳舖戶亦紛然傳爲口
實在朕不過偶爾駐蹕而伊等先期多方覓置
至臨時又或照料不及易致遺失甚至不肖家
人胥役卽有乘間藏匿者種種情弊俱所不免

此次南巡除揚州之高旻寺行宮原係商人自行置辦應仍聽其預備但須交收清楚外其餘各處行宮概無得陳設玩器惟潔淨軒牕布置裊褥足供頓宿可矣若羅列贗鼎以圖飾觀甚屬無謂殊可不必將此傳諭該督撫等務各凜遵倘仍前預備必於尹繼善喀爾吉善等是問
欽此

乾隆二十年六月十三日內閣奉

上諭大學士陳世倌協辦大學士蔣溥等奏稱江浙士庶望幸情殷請於明歲再舉南巡一摺朕自乾隆十六年巡幸吳越迄今已越五載該督尹繼善喀爾吉善等均曾具摺奏請朕因西師尚未凱旋未經允准現今膚功迅奏荒服敕寧南省民風吏治時厯於懷而高堰堤工尤數郡生靈攸繫上年告竣以後正當親加察勘前降旨於明歲春月展謁

孔林著允大學士等所請於禮成之後敬奉

聖母皇太后鑾輿順道前往江浙以抒勤民之隱而
慰望幸之忱朕省方觀民入疆考績維期勤求
實政宣達羣情一切供頓俱出內府絲毫不以
擾民地方官毋得指名儲備令衆商捐輸及扣
各屬養廉察出定行嚴加究處前者巡幸南省
時屢飭各督撫務從簡樸而所至尚覺過於華
飾喧溷耳目此次行宮及名勝憩息之地悉仍
舊觀但取灑掃潔除概毋增一椽一瓦毋陳設
玩器城市經塗毋張燈演劇踵事增華巡覽所
及各督撫等果能綏輯井疆康乂烝庶俾人敦
禮讓俗慶盈寧朕自深爲嘉悅若其徒事華靡
致飾觀美耗有用之財侈無益之費適以自滋
罪戾甚無取焉各督撫及所屬官民人等尚其
善體朕心以副朕觀風問俗行慶施惠之至意
摺并發欽此

乾隆二十年七月初七日內閣奉

上諭朕時巡江浙已屢降旨令該督撫等毋事浮靡務從簡樸並飭禁一切商捐陋習乃聞前次南巡時浙省辦差至有當商捐費者此斷不可著再行曉諭嚴加禁止朕清蹕所經觀民間俗關政治之大端卽動用數十萬正帑亦何不可而必取給於捐項乎該督撫等宜仰承德意撫恤黔黎苟徒以鋪張華麗炫溷耳目至派累各商舖戶使不肖胥役乘機滋擾侵肥是以惠民

之典而轉以累民豈朕巡幸本意亦豈所以慰
兆庶望幸之忱耶若仍出此朕惟引以爲戒不
當俯從所請矣如西湖中船隻自

皇太后及朕御用一二舟外其隨侍人等原可各載
小艇毋庸多備船座以滋糜費再所過城市民
居因迎候鑾輿各出誠敬之意於其門前香燈
懸綵者自可不禁其行宮陳列玩器蘇揚城郭
街衢間張設棚幔已有旨禁飭至沿途水次從
前俱設燈船戲船臺閣俚俗游玩之具此不過
地方吏役及民間游手好事之徒藉名苛斂尤
當通行嚴禁該督撫等其凜遵毋忽欽此

乾隆二十年十月十四日內閣奉

上諭前經降旨於明春躬詣

孔林虔申祭告爰允江浙臣工暨該督撫等奏請
便道南巡一切事宜務從簡約該督尹繼善來
京面請訓諭酌定章程近聞八九月以來江蘇
所屬各州縣衛卑下之地秋霖致潦兼有蟲傷
亟宜賑卹現命截漕撥粟多方儲備毋令小民
稍有失所但稽查散賑必須地方官親身經理
春間青黃不接之時尤爲緊要若因除道迎鑾

而賑給稍有遺濫使澤不下逮究非朕意也夫
巡省本以勤民辦差與賑務孰重南巡俟明歲
西成有秋該督撫等再行請旨尹繼善著速行
回任會同該撫等確按災地情形董率屬僚實
力妥辦副朕嘉惠元元痼瘵在抱之意其明春
躬祭

孔林典禮仍著各該衙門照例預備欽此

乾隆二十一年九月二十日內閣奉

上諭昨歲江浙督撫等據士民呈詞籲請南巡朕
已降旨俞允後因江蘇所屬偶被災稔地方各
官皆有應辦賑務朕恐伊等因除道清塵之役
轉於民事稍有妨悞則殊非朕眷顧羣黎之本
意復經特諭停止今據兩江浙省督撫諸臣等
合詞奏稱西成有慶臣民望幸實深懇請於明
歲再舉巡幸之典南省民風吏治時厯朕懷茲
當歲美人和之候省方觀民入疆考績正可抒

朕勤民之隱而高堰堤工告竣後亦當親加察看著允該督等所請於明春時巡至於一切供帳頓次絲毫不以累民地方官承辦差務寧樸勿華從前所降諭旨甚明該督撫等其善體朕心以副朕觀風問俗加惠斯民之至意將此通行傳諭知之欽此

乾隆二十一年閏九月二十四日內閣奉

上諭據兩淮鹽政普福奏稱明春南巡所有淮揚一帶運鹽船隻于今年十月內令該商等先期預運四十餘萬引堆積儀所以資來歲江廣食用等語此項鹽引先期預運堆貯不無滷耗著加恩照十六年之例每引加耗二十斤以裕民食以紓商力欽此

乾隆二十一年閏九月二十六日奉

旨江省辦理官馬以備明春差遣之用而直隸所
買官馬爲數旣多現在亦無急需之處著方觀
承卽親赴張家口據實查明已買若干價值若
干其已買得者令委員卽送回南未足數者于
直省現買數內撥往將南省馬價照原值扣存
俾南省應差無悞亦不致藉詞價昂冒銷欽此

臣等查該部所請各款均屬實情應請旨准其照所請辦理欽此

乾隆二十一年閏九月二十六日內閣奉

上諭朕明春巡幸江浙所有供宿頓次皆出自帑項絲毫不以累民第扈從官兵以及外省接駕人等輻輳雲集經過地方錢米價值恐一時或至騰踊著將運京銅鉛兩省各截留十萬觔添爐鼓鑄減價發賣并將該二省應運本年漕糧各截留五萬石減價平糶以裕民間日用該督撫其各飭屬員實心經理毋使吏胥滋弊務俾均沾實惠該部卽遵諭行欽此

乾隆二十一年十月二十八日內閣奉
上諭程盛修奏南巡接駕之在籍官員請限以品
級並守制諸臣停止接駕一摺此所見非是朕
稽古時巡省方問俗黃童白叟皆得懽迎道左
共申愛戴其在籍大僚夙叨恩遇自當遂其觀
光之願卽小臣中疎遠罷斥者旣曾沾一命亦
何至禁阻令不得與齊民齒此與朝儀之定等
威以明體制固不同也雖此等接駕人員不無
望恩倖澤之意然在朕自有權衡上次南巡時

恩綸

亦俱就其罷斥情罪酌量分別其間有棄瑕錄用者餘或加恩復其原銜或降等給以頂帶未嘗概得濫邀異數此爾諸臣所共知共見試問有因接駕復用而劣蹟仍前昭著殃及百姓者誰乎至於守制諸臣教孝作忠均關至性何曾概令其必出迎鑾然其中有將屆卽吉之期或林墓之事已畢者而竟閉門不出於心自有所不安卽如親老終養者自應不離親側然里門咫尺而不令其一展其葵向之誠乎且此等亦各揆時度理卽不能來迎者原未嘗罪一人也程盛修既有此奏恐外間無識之人或未免尚有拘牽之見可將此通行曉諭知之欽此

乾隆二十一年十一月二十九日內閣奉

上諭朕恭奉

皇太后鑾輿南巡江浙於來年正月十一日起程欽

此

乾隆二十一年十一月三十日內閣奉

上諭前已降旨江浙兩省各截漕五萬石以備平糶之用但明春巡幸所經江省地方較多五萬之數恐尚不敷著再截留五萬石分貯平糶俾市價不致昂貴於民食尤有所濟該部即遵諭行欽此

乾隆二十二年正月二十日內閣奉

上諭山東之濟寧金鄉魚臺滕嶧等五州縣上年
偶被水災已降旨於加恩賑卹之外加賑兩個
月以資接濟今翠華經臨念閭閻春作方殷麥
秋有待著再加賑一個月該撫其董率屬員實
力查辦以副朕軫恤災黎至意欽此

乾隆二十二年二月初二日內閣奉

上諭上年江南之淮徐海等屬被水偏災除照例賑恤外復經降旨分別被災輕重加賑一二三月以資接濟今朕翠華南幸體訪民情而災地貧黎尤深軫念著再加恩將下江被災之清河桃源銅山蕭縣沛縣邳州宿遷睢寧海州沭陽徐州大河等十二州縣衛及安東豐縣二縣同上江被災之宿州靈璧虹縣長淮等四縣衛毋論極貧次貧俱各加賑一個月以普惠澤該督

撫等其督率屬員妥協經理慰朕懷保至意該部卽遵諭行欽此

乾隆二十二年二月初八日奉

上諭江浙二省讞獄滋繁陳臬之司素稱劇任茲朕巡省所至覃布恩膏黎庶均沾閭閻愷樂而有罪之人囹圄桎梏實由自取亦何恤焉但念獄一成而不變其中奸民之犯法者固多而無知誤路之人亦所時有况未抵於重辟尚可望其自新用播德音以符寬大所有江蘇安徽浙江等屬軍流以下人犯俱著加恩各予減等發落從此案牘一清在問刑各官當益勵精勤期

於明慎而凡爾百姓更宜各安本業勉爲良民
勿謂曠典可以倖邀而輕國法也欽此

乾隆二十二年二月十九日內閣奉

上諭上江所屬宿靈虹三州縣及長淮一衛去秋
被水災黎其成災在六分以上者業已多方撫
恤復兩經降旨加賑自可不致失所惟被災五
分地畝定例旣不成災不在給賑之內而其中
有積水未消而不能種麥之處及已種春麥正
月內又爲毛城舖減洩黃水淹浸者雖可播種
大田而時距秋成尚遠貧民生計不無拮据清
問所及軫念殊深著加恩於例借一月口糧之

外再加借一月口糧以資力作該督撫其董率屬員查明速辦欽此

乾隆二十二年二月二十二日奉

上諭朕於回鑾渡黃後由順河集至徐州閱視河工朕卽由徐州至曲阜展謁

孔林途經泰安登岱拈香本日仍回大營駐蹕可傳諭鶴年預行備辦其登山路逕但須略爲掃除足供行走卽有窄狹之處或乘馬或用山步輿卽緩步徐行亦何不可者且

皇太后鑾輿並不登山切不可搭架天橋致多竭蹶皇太后鑾輿仍由順河集舊路先至靈巖駐蹕可一

併傳諭知之欽此

乾隆二十二年二月二十三日內閣奉

上諭江蘇徐州府之銅沛邳豐蕭碭睢等七州縣
上秋偶被偏災業經蠲賑並施并將新舊漕糧
槩行停緩第朕念該處俱係積歉之區民鮮葢
藏將來青黃不接之時正須設法調劑所有七
州縣熟田應徵漕米二萬四百餘石著卽截留
本地照例糶借庶於民食更爲充裕該部卽遵
諭行欽此

乾隆二十二年二月二十八日奉

上諭朕於回鑾渡黃後前往徐州閱視河工所有
營尖道路已有旨令其不必過求齊備至前次
山東直隸因回鑾已值初夏天氣炎熱搭蓋天
棚此次尚可聽其搭蓋至於江南境內則尚在
春和斷不可一律倣效其餘一切預備俱宜從
簡看來該督撫等所辦未免較前加增卽如沿
河水營辦事草亭乃前此所無如此踵事增華
所動何項徒滋藉口其現有者俱著拆去可一

併傳諭知之欽此

乾隆二十二年三月二十二日奉

上諭上次南巡挽繹河兵所需日費及製備衣帽銀兩俱於河庫公項動用此次因清查公項之後該督等遂於各兵月餉內坐扣所辦非是河兵挽繹甚爲勞苦而更扣其月餉耶可傳諭白鍾山令將挽繹河兵日費等項銀兩仍照前例於公項內開銷不必坐扣還項以示朕體恤兵丁之意欽此

乾隆二十二年四月初六日內閣奉

上諭徐州等府屬州縣疊被水災業經蠲賑兼施
並截留徐州本處漕糧以供借糶昨車駕幸臨
又復將所有借欠籽種口糧不分新舊概予豁
免凡以曲體並施冀於災黎少濟今思該處倉
儲未裕不可不預籌著再將本年現運漕糧截
留五萬石存貯徐州等處以備不時之需其上
江之鳳陽等屬頻年被稔小民艱於謀食並著
截留漕米五萬石撥運鳳陽等處備用其酌截

何帮漕船並如何分別收貯之處著該督撫等
悉心區畫一面辦理一面奏聞該部卽遵諭行
欽此

乾隆二十二年五月初三日奉

上諭前據尹繼善奏稱江省官員有願捐養廉承
辦差務之舉已面諭禁止凡一應費用俱令動
項按款照數撥給不得分毫科派但恐臨時料
理容有用浮於數之處亦未可定特傳諭普福
令其撥給銀十萬兩交與尹繼善等酌量支用
然不得因銀兩充裕以致屬員侵冒浮銷總在
該督撫等悉心綜核若此項銀兩僅足支給則
已如不敷著再請倘尚有贏餘卽留貯該省爲

下次之用此項報銷雖無庸咨部核議然朕南巡地方公用有何不可對人言之事若有則是私弊尚未盡除矣其正項開銷之外凡所動用細數仍著開造清冊咨送軍機處以便存案著傳諭尹繼善等知之欽此

乾隆二十二年十一月二十七日奉

上諭今年南巡辦理差務一切俱早定章程地方有司較前更爲熟練比之乾隆十六年生手初辦大相逕庭所有動用銀數報銷奏冊何以至今尚未奏到可傳諭尹繼善卽飭經手各員速行據實開造亦不宜太遲並查較乾隆十六年所用之數有無減省不可聽其任意浮冒統於歲內具奏爲是欽此

上諭兩江總督尹繼善等以河工告竣年穀豐收
 臣黎望幸情殷請於庚辰之歲再舉南巡令典
 等因合詞具奏朕惟東南河道民生時縈宵旰
 前者翠華載莅每切咨詢不敢自逸茲當大工
 既蒞澤國安瀾於焉攬轡觀風上以驗曩時往
 來指畫之勤下以考在事大臣宣化承流之績

南巡盛典卷三

恩綸

乾隆二十三年九月三十日內閣奉

上諭兩江總督尹繼善等以河工告竣年穀豐收
 臣黎望幸情殷請於庚辰之歲再舉南巡令典
 等因合詞具奏朕惟東南河道民生時縈宵旰
 前者翠華載莅每切咨詢不敢自逸茲當大工
 既蒞澤國安瀾於焉攬轡觀風上以驗曩時往
 來指畫之勤下以考在事大臣宣化承流之績

理亦宜之顧各督撫等前後奏報工程披章如
睹而嵒璜裘曰修等又以親承指示甫經復命
回京條析敷陳情形頗悉乃者大江南北年穀
順成民氣和樂封函疊至仰見

上蒼福佑額手爲南黎稱慶此意與封疆諸大吏共
之猶念積潦初除汙萊日闢正宜乘時勸諭俾
瘠土盡化膏腴以培元氣已降旨各督撫勘明
濱河地畝有秋穫雖登而小民牛犁籽種不能
接濟致曠土尚有未耕者並予格外加恩官爲
借給使得資東作而厚西成其果盈寧之象與
歲俱增則機杼倉箱熙恬滿目其足以佐時巡
風景者不更多耶且明歲車駕臨幸索約爾濟
又平定伊犁後若左右哈薩克東西佈魯特及
徇部各城以次平定歸降不無覲謁宴賚之典
車馬之煩所當少恤且歲屆辛巳卽恭逢

聖母皇太后七旬大壽普天同慶如於是年敬奉
安輿重臨江浙庶幾省方問俗嘉地利之畢登喜生
民之益懋於以仰悅

慈懷壽祺康豫當推

恩錫福俯慰元元望幸之忱俟臨期另行降旨所有
庚辰年南巡之奏暫停舉行毋庸具摺固請先
將此通行曉諭知之欽此

乾隆二十四年十月十八日內閣奉

上諭前據陳宏謀奏請截撥京銅五十萬觔加鑄
備用一摺部臣以未經分晰聲明業經議駁但
念錢法關係閭閻日用前請五十萬之數原屬
過多若酌量增加卯數以裕鼓鑄於地方亦屬
有益著加恩酌半給撥二十五萬觔俾官錢流
通以裕民用該部卽遵諭行欽此

乾隆二十四年十月二十二日奉
 上諭雍正五年恭值
 皇考五十萬壽因會試舉人請於京城寺廟設立經
 壇以申頌祝欽蒙
 頒諭禁止並
 勅各直省督撫毋得因萬壽進獻玩好
 聖訓有云朕心惟以民安物阜為美薦賢舉能為貴
 倘督撫等秉公察吏實心為國行一利民之政勝
 於獻希世之珍薦一可用之才勝於貢連城之寶

乾隆二十四年十月二十二日奉

上諭雍正五年恭值

皇考五十萬壽因會試舉人請於京城寺廟設立經

壇以申頌祝欽蒙

頒諭禁止並

勅各直省督撫毋得因萬壽進獻玩好

聖訓有云朕心惟以民安物阜為美薦賢舉能為貴

倘督撫等秉公察吏實心為國行一利民之政勝

於獻希世之珍薦一可用之才勝於貢連城之寶

仰見我

皇考恭儉聖德實爲萬世訓行朕嗣服以來屢諭各督撫等不得於方物之外別有進獻諒內外大小臣工無不明體朕意開歲八月爲朕五十誕辰惟恐臣僚中或以萬壽聖節欲購覓珍奇共申祝嘏其各省士民或且有設立經壇建立碑亭之事非先期詳悉傳諭必將競事浮華徒滋糜費甚非所以勵官常惜物力也朕心深所不取其飭禁之至在籍年老諸臣如尚書沈德潛侍郎錢陳羣等若以隨班叩祝跋涉遠來亦非朕優體老臣之意况歲屆辛巳恭遇

聖母皇太后七十大慶以新春敬奉

安輿時巡南服諸臣就近迎

鑾相見不遠又何必僕僕道路爲耶著將此通行傳諭知之欽此

乾隆二十四年十一月二十六日奉

上諭據尹繼善奏辛巳年應辦差務尚有上屆賞給銀十萬兩未經動用現在存貯等語著傳諭高恒再於兩淮鹽庫公項內酌撥銀三十萬兩交與該督尹繼善令其備辦充裕毋致絲毫派累民間可也欽此

交與... 高... 係... 土... 算...

乾隆二十五年八月初八日內閣奉

上諭獻歲恭逢

皇太后七旬萬壽於新春敬奉

安輿時巡南服俯慰士民顒祝之忱並順道閱視徐
 州石堤及海寧塘工因降旨令該省地方官修
 整道路橋梁照例預備今歲大江以南在在豐
 收惟夏間雨水稍多河湖盛長高寶興泰一帶
 低窪處所頗有漫溢前因河臣等先後摺奏特
 傳諭尹繼善查明下游被水之區預籌撫綏復

南巡盛典 卷三
七
恐地方有司承辦南巡差務轉於賑恤事宜不能盡心經理是以諭令該督將實在情形確查具奏候朕降旨酌緩巡幸今據奏到高寶等處被水較重該處既現已成災亟宜以賑務爲切要南巡一事原不妨酌量改期該督身任封疆自當權其緩急早爲奏請何必待朕詢及始行入告耶所有南巡應辦差務暫行停撤改於壬午春恭奉

慈輦以慰輿情仍可攬民風而昭盛典大差旣經停止自可揣心辦理賑務該督等務宜仰體朕懷董率僚屬確按災地情形實力妥辦勿使窮黎稍有失所以副朕痌瘝在抱之意該部卽遵諭行欽此

乾隆二十六年九月初三日內閣奉

上諭朕前降旨於乾隆二十六年恭奉

聖母皇太后南巡適江省各屬去秋偶被偏災因展

期於二十七年今秋高寶數邑入秋遇有風暴

窪下田禾不無傷損恐地方有司查賑辦差難

以兼顧傳諭該督尹繼善令其查奏毋得稍事

粉飾今據該督撫等奏稱江省今歲秋收大勢

豐稔高寶等處早稻已有收穫被水亦較去年

為輕應賑恤者不過數州縣儘可從容辦理而

差務一切事宜早經預備恭逢

聖母七旬萬壽之後行慶施惠望幸彌殷等語所有

明春南巡典禮著照例舉行尹繼善等摺並發

欽此

乾隆二十六年十月初三日內閣奉

上諭朕明春恭奉

皇太后聖駕南巡著照丁丑年例於江浙兩省冬兌

漕糧內各截留十萬石在於水陸駐蹕地方分

廠平糶著漕運總督及各該督撫會同妥協辦

理該部遵諭速行欽此

乾隆二十六年十月二十七日內閣奉

上諭今年恭逢

聖母皇太后七旬大慶在籍諸臣來京叩

祝具見悃忱獻歲之初朕恭奉

安輿時巡南服諸臣甫及旋里復當出境迎鑾僕僕
道途於林下高年諸多未便可諭諸臣今冬曾
經赴闕者明春毋庸越省候接在浙江者不必
至江南在江南者不必至東省如沈德潛卽於
蘇州錢陳羣卽於嘉興餘均視此爲例副朕體

惜欽此

上諭高恒奏兩淮商人等呈稱世享昇平受恩優渥明春恭遇省方盛典行慶施惠情願公捐銀一百萬兩以備賞賚等語明歲朕恭奉聖母安輿巡幸江浙一應推恩錫賚俱經各衙門照例動用正項預備第該商等奏稱踴躍急公今既抒誠籲懇情詞肫切著於此內撥銀三十萬兩交於尹繼善善辦理差務卽賞給兩淮二十萬兩為伊等修理行宮等項之

乾隆二十六年十一月二十日內閣奉

上諭高恒奏兩淮商人等呈稱世享昇平受恩優渥明春恭遇省方盛典行慶施惠情願公捐銀一百萬兩以備賞賚等語明歲朕恭奉

聖母安輿巡幸江浙一應推

恩錫賚俱經各衙門照例動用正項預備第該商等奏稱踴躍急公今既抒誠籲懇情詞肫切著於此內撥銀三十萬兩交於尹繼善善辦理差務卽賞給兩淮二十萬兩為伊等修理行宮等項之

需酌留十萬兩以備賞賜其餘四十萬兩著解
交河南巡撫胡寶琮備充工程賑恤之用該商
等並著交部議敘以示嘉獎欽此

母交與派幸玉帶一懸掛

一百萬兩以備賞資等語即欽此

盛恩恭敷各文盛典行欽此

上備高河奏兩節商人等呈請甘享長平受恩

詳到二十六年十一月二十日內閣奉

乾隆二十六年十二月初四日內閣奉

上諭朕恭奉

皇太后鑾輿巡幸江浙於明歲正月十二日起程欽
此

乾隆二十六年十二月二十八日奉

上諭向來巡幸所需車輛例由順天府用官價預
為僱覓應用其中胥役人等多有乘機藉名抑
勒需索諸弊為累間聞此次南巡啟鑾伊邇順
天府自己照例預備著步軍統領衙門簡派員
役查察如有滋事情弊即行拿究以儆刁猾嗣
後有應備車輛著交內務府總管大臣交會計
司所屬大糧莊頭等設法官辦既可供應無悞
又可永斷因差滋弊根株其悉心妥議具奏欽

此

乾隆二十七年正月二十日內閣奉
上諭去秋山東被水偏災各屬雖不如豫省之重
現在時當青黃不接例賑又應停止小民生計
未免拮据因傳諭該撫阿爾泰令將各處被災
分數查明具奏今據奏到被災較重之曹縣城
武德州濟寧魚臺五州縣著加恩無論極貧次
貧俱行加賑一個月其濱河次重之齊河金鄉
嘉祥荷澤單縣定陶鉅野濮州范縣臨清邱縣
館陶恩縣夏津武城等十五州縣成災在八分

乾隆二十七年正月二十日內閣奉

上諭去秋山東被水偏災各屬雖不如豫省之重
現在時當青黃不接例賑又應停止小民生計
未免拮据因傳諭該撫阿爾泰令將各處被災
分數查明具奏今據奏到被災較重之曹縣城
武德州濟寧魚臺五州縣著加恩無論極貧次
貧俱行加賑一個月其濱河次重之齊河金鄉
嘉祥荷澤單縣定陶鉅野濮州范縣臨清邱縣
館陶恩縣夏津武城等十五州縣成災在八分

以上所有貧民及衛地貧軍亦著加恩展賑一
個月以資接濟該撫其董率屬員妥協經理務
俾閭閻均霑實惠副朕軫念窮黎之意欽此

未分詳請因難節其請兩奉令詳咨該部
與查部當青黃不對時親又賑濟止小民
土備去殊山東水師災谷鼠雖不收新膏之重
算對二十五年五月二十日內閣奉

乾隆二十七年二月初三日內閣奉

上諭上年曾降旨於兩淮運庫內撥銀三十萬兩
交與總督尹繼善辦理差務但恐尚有不敷著
高恒於運庫內酌量再撥銀二十萬兩以為添
補辦差之用欽此

乾隆二十七年二月初五日內閣奉

上諭上年江省被災各州縣已疊頒諭旨加恩賑
卹但念時值春和東作方興恐民力不無竭蹶
著再加恩將高郵寶應甘泉泰州山陽安東桃
源清河銅山沛縣睢寧等十一州縣無論極次
貧民俱加賑一月至安徽省之太和亳州阜陽
潁上靈璧五州縣亦著一體加賑一月以示惠
養黎元至意該部遵諭速行欽此

乾隆二十七年二月初五日內閣奉
上諭宿遷一帶州縣地方濱臨大河向來歲收率
多歉薄現在巡行省視見閭閻氣象較前似覺
稍舒而生計未能優裕時值春和農功肇舉尚
須加恩接濟著該督等從優酌借籽種俾得從
容東作以冀有收該部遵諭速行欽此

乾隆二十七年二月初五日內閣奉

上諭宿遷一帶州縣地方濱臨大河向來歲收率
多歉薄現在巡行省視見閭閻氣象較前似覺
稍舒而生計未能優裕時值春和農功肇舉尚
須加恩接濟著該督等從優酌借籽種俾得從
容東作以冀有收該部遵諭速行欽此

乾隆二十七年二月十八日內閣奉

上諭向來巡幸所至地方大吏預備燈船烟火頗覺繁俗頃在揚州適以哈薩克陪臣入覲聊示內地民情和樂之意是以聽其預備倘蘇杭等處悉仿而行之更屬不必朕省方觀民勤求治理卽以幾暇適情則山川名勝儘足以供吟眺之資又何事徒滋煩費爲耶著將此傳諭知之欽此

上諭扈蹕南巡之漢大臣籍隸江浙二省者著於
 回鑾時酌量道路所便請假歸省欽此
 乾隆二十七年二月二十一日內閣奉
 上諭向來巡幸河運臣民大吏賄請遊觀火風
 薄到二十八年二月十八日內閣奉
 內賦月計採樂之意是以皇其首論論藉沐
 受樂裕更五母休整以仰對宸闕若人處
 上備向來巡幸河運臣民大吏賄請遊觀火風
 薄到二十八年二月十八日內閣奉

乾隆二十七年二月二十一日內閣奉
 上諭扈蹕南巡之漢大臣籍隸江浙二省者著於
 回鑾時酌量道路所便請假歸省欽此

回鑾報酒量設報巡對諸州縣會於此
 上諭朕稽古省方乘春布令而清理庶獄矜恤尤
 深用沛德音式昭盛典所有江蘇安徽浙江三
 省軍流以下人犯俱著加恩各予減等發落凡
 親民之吏其諄切告誡俾知改過自新共享太
 平之福欽此

乾隆二十七年二月二十九日內閣奉

上諭朕稽古省方乘春布令而清理庶獄矜恤尤
 深用沛德音式昭盛典所有江蘇安徽浙江三
 省軍流以下人犯俱著加恩各予減等發落凡
 親民之吏其諄切告誡俾知改過自新共享太
 平之福欽此

平之願也

廉刃之吏其朝也皆歸朝賦如願自德共享太
省軍旅以十八日拜恩各于其營發祭凡
我軍前音左部盛典祖育五德矣辦備五三
土簡州節古省六乘春亦合而前野烈辦祭此
算劉二十小年二月二十六日內閣奉

乾隆二十七年三月二十三日兩江總督

臣

尹繼善面奉

諭旨凡各馬頭地方只許鋪棕毯不許鋪紅黃等
氈欽此

覽於此

氏錄善回奉

乾隆二十七年三月二十三日丙戌

乾隆二十七年三月三十日奉

上諭朕巡幸所至凡地方預備一切飾觀之具殊覺繁俗已屢降旨槩行斥禁因念回鑾直隸時節令適近端午恐地方官不無點綴節景或於趙北口有供備龍舟之事著方觀承先期實力飭禁毋得稍踵靡文以副朕意欽此

乾隆二十八年四月十一日奉

上諭工部議覆楊廷璋等奏銷南巡動用欸項一本因該督等籠統開報未將應用各項詳細聲明駁令據實刪減現已明降諭旨加恩准其報銷矣此係出自朕之特恩不可視為常例奏銷銀欸原宜慎重例係將前後動用各項暨物料尺寸細數逐一分晰造報該部方可據以察核若但籠統開銷何以信其並無浮冒且奏銷時既可籠統則動用時必不能加意樽節此在督

撫大臣可保其必無染指司道大員受恩簡用
卽不致因辦理差務混冒肥橐而其往來食用
或不免藉端取給至於承辦之佐雜等官藉此
含糊弊混以爲冒銷之地更勢所必有若以從
前尹繼善奏銷江南辦差銀兩旣降旨准銷今
楊廷璋此本又得一例降旨將來遂至視爲故
事並不按照成例詳晰造冊仍前籠統開報以
致不肖官吏得以從中取事一經察出則惟該
督撫是問朕巡省所至凡行宮預備等項已屢
經詳諭該督撫等一切務從簡樸從前三次辦
理已不免踵事增華倘將來彼此效尤日甚一
日何所底止且如朕在京及圓明園每日視事
之所雖細如頂榻糊飾之類不過隨時粘補不
求一律鮮華此亦廷臣所共知若以偶然駐頓
之地當上屆已經整葺而小有滲剝不過畧加
補苴便已妥協何必更增繁費前此地方官知
朕絲毫不肯累民動以商捐藉口殊不知官取
給於商而商人所捐孰非民用所給自後該督

撫惟應實力約省凡有需用只許支取例給之
項及前此賞用所餘據實冊報查核其商捐一
節亦儘可停止又扈從官員並已給船乘載何
須預備公館在扈蹕大臣等朝夕侍直該班既
不能四出居停其各衙門官員差使稍緩者卽
泊舟稍遠亦無難從容退食乃有司等輒以此
爲名致不肖胥役保甲等佔貼民房勒索滋弊
此風斷不可長亦著嚴飭禁止無得稍爲寬假
或大臣官員等自需住宿則聽其出資僦賃不
許地方官代爲購覓以杜擾累此後公館一事
竟宜停止欽此

南巡盛典卷四

恩綸

乾隆二十八年十二月十七日內閣奉

上諭兩江總督尹繼善等合詞具奏請於乾隆乙

酉年再舉南巡之典以慰臣民顙望一摺朕惟

江浙地廣民殷一切吏治農功均關要計且襟

江帶河濱湖近海之區籌護澤國田廬無一不

重縈宵旰前以壬午歲恭奉

安輿時巡周覽凡淮河水誌節宣牖壩啟閉以及杭

屬塘工勘建柴石料段諸事宜曾與封疆大吏目擊手畫以期利濟羣生年來疊經督撫等疏報下河郡邑汎水恬流並無漫溢惟是浙中海潮漲沙雖有起機大溜尚未趨赴中壘是深所厯念而新修柴石諸塘亦當親閱其工以便隨時指示又近日特遣大臣督修水利如濰河荆山橋等處亦爲數省灌輸喫緊關鍵所以驗前功而程後效正惟其時矧東南歲事頻告豐登洪惟

聖母皇太后福履康寧彌增純嘏於是承

歡行慶答士民望幸之忱稽典實爲允協著照所請於乙酉之春諏吉南巡其河工海塘應親臨省視者卽行先期預備至前次燈綵繁文暨扈從人員僱覓巨舟簽佔公館諸禁已屢頒諭旨卽朕所過行宮道路距上屆爲日匪遙祇須灑掃潔蠲足供頓憩不得稍事增華勞費副朕仰承慈豫俯順輿情之至意將此通諭各該衙門知之摺並發欽此

旨著傳諭高恒於兩淮運庫公項內酌撥銀三十
 萬兩交與尹繼善為乙酉年辦差之用欽此
 乾隆二十九年五月初三日奉
 旨著傳諭高恒於兩淮運庫公項內酌撥銀三十
 萬兩交與尹繼善為乙酉年辦差之用欽此

萬兩交與兵部善為丁酉平糶差之風地此
 旨著與高爾欽兩部軍餉公項內酌撥銀三十
 萬兩

乾隆二十九年九月二十五日內閣奉

上諭朕明春恭奉

皇太后聖駕南巡著照從前之例於江浙二省冬兌

漕糧內各截留十萬石在水陸駐蹕地方分廠

平糶卽令漕運總督及各該督撫妥協辦理該

部遵諭速行欽此

上諭朕明春恭奉
皇太皇安輿巡幸江浙於正月初九日起鑾所有一
應事宜著各該衙門照例預備欽此

乾隆二十九年十月二十三日內閣奉

上諭朕明春恭奉

皇太皇安輿巡幸江浙於正月初九日起鑾所有一
應事宜著各該衙門照例預備欽此

乾隆二十九年十一月十二日內閣奉

上諭明春南巡江浙所過直隸山東及江浙等省
 地方其應辦差務原不過就屬員中酌量派委
 非各屬各員皆有承辦之責卽派出人員於緊
 要民事自可先期趕辦俾案牘速清方爲急公
 之道乃聞向來有司故習率以差務展限爲詞
 所有民間詞訟等案任意稽延不爲尅期完結
 豈朕察吏安民本意著傳諭各該督撫等卽行
 轉飭所屬凡應理事事件毋論派委不及者固不

得因循推諉卽派出人員其應辦之事亦當乘
此封印前後加緊料理倘有藉名遲滯以易結
之案遷延貽悞必待差竣辦理者卽應力破情
面加之創懲使小民不致羈留拖累以副封疆
表率之任朕於該督撫等有厚望焉欽此

乾隆二十九年十二月初四日奉

上諭方觀承查奏直隸辦差州縣出結一事所奏
殊屬顛預已於摺內批諭此等積弊固由地方
官所用胥役長隨藉端開銷以便其中飽之計
遂爾盤踞把持牢不可破及至查究根源此等
庸吏又安肯據實開陳自干罪戾該督從前旣
據屬員之言輒行入告迨降旨詳查又以無從
根究爲詞殊不思若輩小人藉名舞弊固不足
惜而車駕所經一切毫無供頓而長隨人等竟

有以支應名色從中滋爲口實其風猶可長乎
在前此官更吏易此時卽實有難於逐一質對
之處而明春南巡在卽現已先諭總理行營暨
提督衙門沿途加意察訪該督務須先期嚴飭
地方官一體力行防範禁革如有另換名色別
生弊竇者該州縣官立卽扭稟總理行營處治
罪倘不能查禁一經總理行營處察出則惟該
督是問並傳諭山東江南浙江各督撫知之欽
此

乾隆二十九年十二月二十四日內閣奉

上諭前經禮部奏請於正月初五日舉行祭辛典
禮是以降旨於初九日起鑾恭奉

皇太后安輿巡幸江浙但初五日在立春以前爲時
尚早應俟春後初辛舉行於義方協所有祈穀
典禮著於十五日舉行起鑾之期著改爲十六
日將此傳諭各該衙門並各該處知之欽此

日... 門... 並... 谷... 苑... 映... 之... 海...
 典... 李... 於... 十... 五... 日... 舉... 行... 或... 鑿... 之... 興... 清... 也... 該... 十... 六...
 尚... 早... 卯... 刻... 春... 於... 味... 辛... 舉... 行... 於... 差... 衣... 制... 禮... 亦... 無... 違...
 太... 司... 安... 與... 履... 幸... 五... 禮... 拜... 五... 日... 亦... 立... 春... 以... 前... 為... 報...
 雖... 長... 以... 朝... 拜... 於... 五... 日... 亦... 立... 春... 以... 前... 為... 報...
 上... 節... 前... 雖... 歡... 濟... 奏... 請... 欽... 五... 日... 亦... 立... 春... 以... 前... 為... 報...
 算... 到... 二... 十... 八... 日... 辛... 十... 二... 月... 二... 十... 四... 日... 內... 閣... 奉...

乾隆三十年正月十一日奉

上諭此次南巡行聖公孔昭煥尚書嵇璜俱現在
 制中不必前來接駕如伊等尚未起程該督尹
 繼善該撫崔應階可即傳諭停止如業已在途
 亦即令其回籍欽此

亦唱令其開誠...
 論中不...
 土備...
 算...

乾隆三十年閏二月初七日內閣奉

上諭朕時巡江浙清蹕所經恩膏疊沛軍民士庶
 無不忭舞臚歡而清理庶獄亦矜恤所宜逮用
 循舊典以廣深仁著將江蘇安徽浙江三省軍
 流以下人犯俱加恩各予減等發落俾得改過
 自新勉為良善共享太平之福欽此

自漢以來夏商共享太平之福... 游以不入其身... 游善典以貴... 游不計... 土備... 淳熙三十一年二月... 丙申...

臣謹按省方觀民王者之大政王通謂虞舜一歲而巡五嶽國不費而民不勞猗歟盛哉

我

皇上御極以來端拱垂裳既同符乎上古巡河遊

洛復媲美於中天

軫念南邦土壤膏腴民物蕃息含生之類望

幸倍殷爰是繩

武紹麻屢勤

清蹕踰岱濟河涉江臨浙恭逢

聖母之介祉益廣行慶而推恩伏讀

上諭自

批答於先期及

宣敕於既事何

聖仁之遠思曲體細大之義胥得其中若是耶夫

民間幸際

重熙瞻

天咫尺所擬將其誠敬者不過備一日之供御效

臺沼之子來奏下里之聲歌張委巷之綵飾

而已乃承

詔均日無庸疊申禁令惟以實心實政勗諸長吏

且歲行稍愆撤清塵而議賑秋成既稔恤車

馬而用休更念

巡幸之地扈蹕瞻

天者輻輳雲集錢穀市價易至騰踊爰助以泉府

天儲以裕民間食用而乘春布令庶獄並清益仰

見

大聖人之用心矣蓋入疆考績之意惟在阜民生

平水土飭官方恢宏

祖烈宣播

慈徽而遊觀不與焉於是

舟輦經行典則詳具伏飛百職要束凜然市不改

塵川無停楫下至薪米凌雜之需館舍瑣屑

之事罔不上煩

宸念釐其弊而思其艱所以童叟皆率舞於塗良

苗亦懷新於隴鳥獸草木咸若以成太和翔

洽之治也抑臣思之古者生齒未繁風氣樸

略其民猶易見德今際豐亨豫大之時當物

阜人殷之地而纘崇

懋典怙冒延洪

帝光天之下不啻度越勳華曠千古而不顯矣矧

夫

四幸之中再介

璇闈純嘏則合萬國以沐春暉又寧特冀竟徐揚之

境慶鴻庥而歌禔福哉臣高晉恭紀

...

...

...

夫...

...

...

...

...

